



UNIVERZITET U SARAJEVU
FAKULTET SPORTA I TJELESNOG ODGOJA
Broj akta: 91-4160/19
Datum: 1.10.2024.

POSLOVNIK O RADU KOMISIJE ZA IZBOR U AKADEMSKO ZVANJE

Sarajevo, oktobar 2024. godine



Na osnovu člana 123. stav (8) Zakona o visokom obrazovanju („Službene novine Kantona Sarajevo“, broj: 36/22), člana 256. stav (1) Statuta Univerziteta u Sarajevu, broj:01-14-35-1/23 od 26.07.2023. godine, Konkursa za izbor akademskog osoblja u nastavno-naučno zvanje: redovni profesor za oblast Organizacija i upravljanje u kineziologiji - 1 izvršilac, puno radno vrijeme, objavljenog dana 29.08.2024. godine i Odluke Vijeća Fakulteta, broj: 01-3920/24 od 20.09.2024. godine o imenovanju Komisije za pripremanje prijedloga za izbor u akademsko zvanje redovni profesor na oblasti Organizacija i upravljanje u kineziologiji – 1 izvršilac, Komisija na Konstituirajućoj sjednici održanoj dana 01.10.2024. godine donosi:

POSLOVNIK O RADU KOMISIJE ZA IZBOR U AKADEMSKO ZVANJE

I - OPŠTE ODREDBE

Član 1.

(Predmet Poslovnika)

Ovim Poslovníkom se bliže uređuje nadležnost, način rada i odlučivanja Komisije kao i druga pitanja od značaja za rad Komisije za provođenje Konkursa za izbor akademskog osoblja u nastavno-naučno zvanje: redovni profesor za oblast Organizacija i upravljanje u kineziologiji – 1 izvršilac, puno radno vrijeme, objavljenom u dnevnim novinama „Dnevni avaz“, web stranici Fakulteta sporta i tjelesnog odgoja i web stranici Univerziteta u Sarajevu, dana 29.08.2024. godine.

Član 2.

(Načela)

Rad Komisije zasniva se na načelima nezavisnosti, nepristrasnosti, javnosti i zakonitosti.

Član 3.

(Propisi)

Komisija provodi procedure izbora u akademsko zvanje u skladu sa odredbama Zakona o visokom obrazovanju („Službene novine Kantona Sarajevo“, broj: 36/22), Statutom Univerziteta u Sarajevu, broj:01-14-35-1/23 od 26.07.2023. godine, Konkursom za izbor akademskog osoblja u nastavno-naučno zvanje: redovni profesor za oblast Organizacija i upravljanje u kineziologiji – 1 izvršilac, puno radno vrijeme, objavljenom u dnevnim novinama „Dnevni avaz“, web stranici Fakulteta sporta i tjelesnog odgoja i web stranici Univerziteta u Sarajevu, dana 29.08.2024. godine i Odlukom Vijeća Fakulteta, broj: 01-3920/24 od 20.09.2024. godine o imenovanju Komisije za pripremanje prijedloga za izbor u akademsko zvanje redovni profesor na oblasti Organizacija i upravljanje u kineziologiji – 1 izvršilac.



II – NADLEŽNOST KOMISIJE

Član 4.

(Uloga stručne službe Fakulteta)

(1) Nakon donošenja Odluke Vijeća Fakulteta o imenovanju Komisije za pripremanje prijedloga za izbor u akademsko zvanje redovni profesor na oblasti Organizacija i upravljanje u kineziologiji – 1 izvršilac na sjednici održanoj 20.09.2024. godine, stručna služba Fakulteta članovima Komisije dostavlja Potvrdu o blagovremenosti pristiglih prijava na konkurs zajedno sa kompletnom konkursnom dokumentacijom.

(2) Stručna služba Fakulteta prisustvuje konstituirajućoj sjednici Komisije i otvaranju pristiglih prijava, te konstatira njihovu potpunost (urednost) u skladu sa konkursom, o čemu stručna služba Fakulteta izdaje odgovarajuću potvrdu koja čini sastavni dio izvještaja Komisije.

Član 5.

(Nadležnost Komisije)

(1) Komisija iz člana 1. ovog Poslovnika, obavezna je da po primitku pristiglih prijava i dokumentacije:

- a) pregleda sve pristigle prijave i dostavljene dokaze,
- b) utvrdi ispravnost pristiglih prijava i dostavljenih dokaza

(2) Komisija iz člana 1. ovog Poslovnika, obavezna je izvještaj sa prijedlogom za izbor u zvanje dostaviti Vijeću Fakulteta putem protokola Fakulteta u skladu sa Zakonom i Statutom u roku od 30 dana od datuma imenovanja Komisije.

(3) Komisija utvrđuje prijedlog većinom glasova, s tim da svaki član Komisije ima pravo da izdvoji i obrazloži svoje mišljenje.

Član 6.

(Mjesto zasjedanja Komisije)

(1) Mjesto zasjedanja Komisije je u prostorijama Univerziteta u Sarajevu - Fakultet sporta i tjelesnog odgoja, na adresi Patriotske lige 41, Sarajevo.

Član 7.

(Način rada i odlučivanja Komisije)

(1) Komisija je u svom radu nezavisna.

(2) Komisija zasjeda u punom sazivu prilikom provođenja konkursne procedure - otvaranja prijava, pregleda i razmatranja dokumentacije.



(3) Komisija utvrđuje prijedlog većinom glasova, s tim da svaki član Komisije ima pravo da izdvoji i obrazloži svoje mišljenje.

Član 8.

(Vođenje Zapisnika)

(1) O toku sjednice Komisija vodi zapisnik.

(2) Zapisnik sadrži datum, mjesto i vrijeme održavanja sjednice, osnovne podatke o toku sjednice, sažeto izlaganje, prijedloge i konsultacije, zaključke te prijedlog odluke Komisije.

(3) Zapisnik potpisuju svi članovi Komisije.

III – PRELAZNE I ZAVRŠNE ODREDBE

Član 9.

(Izmjene i dopune Poslovnika)

Izmjene i dopune ovog Poslovnika vrše se na način i u postupku propisanom za njegovo donošenje.

Član 10.

(Stupanje na snagu)

Ovaj poslovnik stupa na snagu danom donošenja i objavit će se na web stranici Univerziteta u Sarajevu i web stranici Fakulteta.

KOMISIJA

1. Prof. dr. Munir Talović, predsjednik

2. Prof. dr. Haris Alić, član

3. Prof. dr. Almir Mašala, član

Broj:01- /24
Sarajevo, 01.10.2024. godine

Dostaviti:

- Dekan
- Komisija
- Web stranica
- Pravna služba
- a/a